

29. 29

Q. D. B. V.

DISPUTATIO MEDICA INAUGURALIS
DE

AFFECTIBVS

AVRIVM IN GENERE,

RECTORE MAGNIFICENTISSIMO

SERENISSIMO PRINCIPE AC DOMINO,

DOMINO

GVILIELMO HENRICO,

DVCE SAXONIÆ, IVLIACI, CLIVIÆ AC MONTIVM,

ANGARIÆ ET WESTPHALIÆ, & reliqua,

SVB PRÆSIDIO

GEORGII VVOLFFGANGI

VVEDELII,

HEREDITARII in Schwarza/

MEDICINÆ DOCTORIS, COMITIS PALATINI CAESAREI,

CONSILIARII ET ARCHIATRI DVCALIS SAXONICI,

THEORETICES PROFESSORIS PVBLICI ORDINARII,

Patroni, Præceptoris ac Susceptoris omni pietate ac filiali cultu prosequendi,

P R O L I C E N T I A

Summos in arte Medica honores, insignia & privilegia

MORE MAIORVM legitime capeffendi,

PVBLICÆ VENTILATIONI EXPOSITA

CHRISTIANO FRIDER. Schellhaß/

Jenenfi,

IN AUDITORIO MAIORI,

Horis ante- & pomeridianis consuetis, A. D.

Mart. A. C. M DCCV.

JENÆ, LITTERIS CHRISTOPH. KREBSII.

V I R O

Amplissimo, Consultissimo atque Excellentissimo,

DOMINO

ADOLPHO CHRISTIANO Schelhaß/

Jur. Utr. Doctori celeberrimo,
Curiae Provincialis Advocato Ordinario
Seniori,
nec non Reipubl. Jenensis Consuli
gravissimo,

*DN. Parenti, omni honoris, amoris,
& obsequii cultu devenerando,*

DISPUTATIONEM HANC INAUGURALEM,

Ob maxuma beneficia, in perenne obsequii & gratitudinis
debita monumentum, observanti animo,

piaque manu, cum voto omnigenae prosperitatis

offert

FILIVS OBSEQUIOSISSIMVS

Christianus Fridericus Schelhaß.



PRÆFAMEN.



Vid homine amabilius? quid iucundius? quid magis perfectum? Omnium creaturarum est nobilissima, elegantissima ac perfectissima, in qua benignissimi Creatoris sapientiam & omnipotentiam admiramur, veneramur.

Gaudet corpore & anima eaque rationali, quæ nulli animalium contigit. Structura corporis elegans, omnes ipsius partes tam concinne fabrefactæ, & eleganter cohærent, ut hinc etiam recte microcosmus dicatur.

Quando igitur totus homo ita constructus, ut nihil in ipso amplius desiderari queat, non adeo mirandum, quod in vna etiam parte, maxime organica, tanta sit perfectio & excellentia, ut per totum vitæ nostræ spatium illam non satis admirari, nedum perscrutari valeamus.

Cogitemus modo organon auditus, cuius omnes partes affabre inuicem respondent, quæ partim molles; partim solidæ sunt, quot meatus, ductus, canales, & quæ gyrationes inibi non reperiuntur? In his enim radii sonori recipiuntur, reflectuntur & clare distincteque percipiuntur, nisi illis aliquod vitium obrepat.

Mechanica sane auris admiranda est, ut cum oculo certare possit omnino. Obuias in hoc magis videas par-


4 DISPUTATIO MEDICA INAUGURALIS
tes externas & internas, tunicas, humores, neruum opti-
cum, musculos, multaque vasa oculo subseruientia, ad vi-
uum quasi delineata, etiam in oculo artificiali curate ex-
pressa, non item in aure, cuius adhuc dum nondum simi-
liter schema extat, quod respectiue sit minus imitabilis.

Vsu potest non minus cum omnibus sensibus certare,
tactu, gustu, olfactu sine dubio præstantior, visum vero ipsi
nonnulli præferunt, sed visu dignior hac quoque ratione
dici potest auditus, quoniam per ipsum homines doctio-
res redduntur, quam per visum; omnis enim bona do-
ctrina, iuxta communem opinionem, viua voce hauritur,
adeoque auditus visu hoc sensu latius patet, vel æquis
passibus saltim ambulat.

Sicuti vero quo subtilior machina quælibet, eo etiam
facilius labem incurrit; ita etiam aures suos patiuntur
manes, morbis varii generis corripì solitæ. De his cum
inpræsentiarum agere animus sit, faxit diuinum numen, vt
feliciter omnia cedant.

CAPVT I.

Oeconomiam auris sistit.

VM læsiones aurium, quæ medicam consideratio-
nem & opem ex omni aut aliqua parte admittunt,
pertractare in animum induxi, non ero sollicitus in
euolutione deriuationis & appellationis nominis, quæ pa-
rum interdum inferuit rei illustrandæ. Partes solum aurium
recensere & præmittere, quarum notitia medico æque utilis
ac necessaria est, non erit incongruum.

Auris igitur hic spectata communiter & apte in exterior-
em & interiorem diuiditur. Exterior in homine auricula

voca-

vocatur, quæ iterum in superiorem & inferiorem ab Anatomicis dispescitur, quarum illa pinna & ala, hæc vero lobus audit. Ambitus exterior auriculæ, figura circulari, helix, pars ipsi opposita antihelix nominantur, vtraque cartilagineæ substantiæ. Eminentia in antica parte, quæ ad temporum ossa vergit, tragus, in postica vero parte antitragus nominatur. Cavitas magna auris exterioris, quæ radios sonoros excipit, & ad meatum auditorium defert, concha dicta, multis glandulis est referta.

Partes aurem constituentes porro sunt vel communes, ut cuticula, cutis, membrana nervea, & panniculus carnosus, in lobo parum pinguedinis annotatur: hæc enim non absolute & vnice vsum præbent auri, sed aliis partibus capitis quoque inserviunt; vel propriæ, cuius generis sunt muscoli, vasa, glandulæ & cartilago, ex quibus immediate auris constat.

Musculi auri exteriori quatuor, ad modulum eorum qui in oculis sunt, nempe attollens, deprimens, adducens, abducens, attribuuntur & recensentur, ab officio suo nomina hæc indepti, de quibus fusius Anatomici agunt. Alii vero aurem exteriorem musculis destitui asserunt ex illo fundamento, quia auris in homine nec mobilis sit, nec ad audiendum motu vlllo indigeat, putatitios potius esse & partem panniculi carnosii constituere aiunt. Satis est, variare hæc, ac ludere, reuera tamen auribus non omnem motum abrogari posse, siue communem illum statuamus, panniculo carnosio debitum, cum facie, cum fronte inprimis, qua pro luitu caperata ad sensum idem demonstrari potest: siue proprium, quamuis non ita manifestum.

Vasa, præter glandulas excrementum fecernentes, quæ auri priuatum quendam vsum præstant, sunt vel venosa, hæc enim principium suum habent a venis iugularibus externis, vel arteriosa, quæ a carotidibus externis originem suam ducunt. His non incongrue annumerantur lymphatica,

tica, quæ collo inferuntur: nervosa vero a secundo pari cervicali, item quinto & septimo huc disperguntur, quæ in dissectione colli se oculis sistunt, musculis glandulisque usum exhibentia.

Sub auribus remota cute conspectui sese sistunt glandulæ insignes, peculiari ductu gaudentes, (Stenoniano dicto) quæ parotidum nomine veniunt; non procul ab his aliæ visuntur sub maxilla, quæ probe ab inuicem distinguendæ.

Visis iam partibus externis nec non communibus cum propriis, interiora auris, quæ proprie & κατ' ἐξοχὴν hunc titulum possidet & meretur, nunc paulo penitius sunt perlustranda. Post concham, quæ cartilaginea est, visitur meatus auditorius, totus quoad basin osseus, qui curvus ac obliquus paulo est, & ad sonum distinctiorem efformandum facit, ne ille recta via pergendo, si fortior fuerit, membranam tympani perumpat, vel minimum lædat. Tanta est huius membranæ dignitas vsusque, ut si quidpiam antèrius interiorisve ipsi insuetum opponatur, auditus detrimentum patiatur: eadem internum meatum auditorium ab externo quoque seiungit.

Remota membrana occurrunt quatuor ossicula, malleus, stapes, incus, & os orbiculare, a similitudine rerum, quas rudi quodam modo exprimunt, quorum vsus attendi meretur tanto magis, quanto curiosiori gaudent mechanica. Liceat nobis illum specialem ex generali & communi, sed specificatum arcessere, præbere & illa, præter *εὐθὺς* organo conforme, *στάσις* & *ὁρμήματα*, firmitudinem & rectitudinem, chordam æmulari in tympano, elaterem tympani roborare & firmare, adeoque ad sonorum refractionem non parum facere nexu illo suo.

Sequuntur iam musculi auris interioris, si curiosiores oculos sequamur, quorum tres numerantur, duo mallei, externus & internus, & vnus stapedis proprius. In secunda cavitate observantur duo ductus, quorum vnus aquæ ductus

Eusta.

DE AFFECTIVIS AVRIUM IN GENERE.

Eustachii, ad palatum & cavitatem narium tendit, hic longior altero, qui a cavitare ossis mastoidei incipit, & in cavitare tympani definit. His meatibus iunguntur etiam duo foramina, quorum vnum fenestra ovalis, alterum rotunda nominatur, vtraque labyrinthum respicientia.

In meatu auditorio invenitur nervus acusticus dictus, insignis satis, quem chordam a quibusdam alias appellatam legimus. Oritur hic a protuberantia processus annularis, & in transitu per foramen acusticum, in duos secatur ramos, quorum vnus superior & crassior dicitur mollis, quia mollior & tenuior est altero, inferior vero ramus dura portio, quia compactior & fibrosior paululum illo, audit. Ille ramus duos alios surculos emittit, qui cochleæ implantantur, & in membranam tympani eiusque musculum sua expansione desinunt, vnde hic sedes sensus auditus statuitur.

Tacemus labyrinthum, cochleam, os petrosum, annulos offeos, & reliquas partes auri vel proprias, vel ratione connexionis & situs ipsi commodum aut damnum afferentes, de quibus pluribus hac vice agere supersedeo, quia non æque ad præsens negotium faciunt, & acta me acturum vereor, prolixius enim de his Anatomici in suis libris differunt, & in specie de organo auditus doctos & elegantes, cum adiectis figuris & schematibus. Viri celeberrimi *D. D. Schelhammerus*, *P. Medicinæ Kiloniensis Primarius*, affinis honoratissimus, & *Du Verney*, *Anatomicus Regis Galliarum*, tractatus edidere, qui & separatim, & in *Bibliotheca Anatomica Tom. II. Parte I. de capite coniunctim* extant. Huc referenda etiam venit disputatio admodum rara & erudite conscripta *D. D. Ernesti Henrici Wedelii*, sub præsidio *D. D. Schmidii* hic loci ante aliquot annos ventilata, quæ inscribitur *Auris theodica* [S], vbi in cap. I. de auri machina agit, ad quam explicandam varias machinas adducit, qui scriptores inuicem collati lectorem abunde in hac materia erudire possunt.

Variam

Variam ac perutilem considerationem admittunt partes tam propriæ, quam communes, aurem componentes & efformantes, vbi procul dubio prima erit instituenda ratione consistentiæ, vbi aliæ sunt molles, aliæ densæ, aliæ sanguifluæ, aliæ exsanguæ. Secundo non minus habenda erit ratio situs harum partium tam s. n. quam p. n. & connexionis inter se & cum aliis. Tertio ratione vsus partium modo recensitarum, quidque tam actiue commodi, quam passiuè detrimenti subire possint. Harum, inquam, pensitatio occasionem subministrabit agendi de variis affectibus, quibus aures, ad percipiendas species sonoras organum exquisitissimum, obnoxias per multorum experientiam constat. Ex quibus in sequentibus præcipuos in medium adducere suscipiam.

CAPVT II.

Præcipuos aurium affectus recenset.

MAgnum commodum afferre notitiam & historiam constitutionis naturalis & p. n. partium corporis, tam in dignotione læsionum, quam in curatione ipsarum nemo inficias ire poterit. Elucet id maxime ex opposito, quando ægri hoc vel illo affectu correpti, se curæ harum rerum ignaris, & irrationali empiriæ deditis committunt, qui læsiones paruas sæpius grauiores reddere, & pro habitudine partium læsarum mortem nonnunquam inferre solent. Tantum interest scire structuram corporis & constitutionem partium secundum naturam & p. n.

Consideratio læsionum quoad internam & externam sui ipsarum dispositionem & naturam institui potest: cuiusnam generis, indolis & classis morbus hic vel iste existat, in qua parte & loco sedem suam habeat & radices agat.

Secun-

DE AFFECTIBVS AVRIVM IN GENERE. 9

Secundum hanc considerationem quemadmodum omnes corporis nostri affectiones & læsiones examinandæ, ita non minus morbi aurium hac methodo tractari possunt. Ad hanc læsionum naturam & constitutionem indagandam spectant considerationes variæ, & quidem in primis partium ratione consistentiæ, cuius saltem mentionem inieci. Sic partes ordinarie molles interdum indurantur & rigescunt, licet paulo rarius id obseruetur: constat tamen cerumen aurium instar gypsi inspissatum meatumque auditorium oppleuisse, quid quod lapidescere, & lapides cum ipso excretos fuisse, de quo phænomeno videatur Bartholinus obseru. 45. volum. 1. Actorum. Commode hic in memoriam mihi incidit, me a viro insigni & fide dignissimo audiisse, se ex propria aure aliquando deprompsisse frustulum ceruminis indurati, quod colore, consistentia & pelluciditate simile fuerit succino, quod adhuc adseruat. Hic vir vero laborabat auditus difficultate. Membrana tympani rigida nonnunquam euadit ob nimiam siccitatem, præsertim in senibus.

Partes porosas, sub quibus musculos & vasa varia, quæ sanguinem, serum & lympham, vno verbo humores ad aurem & caput modo ducunt, modo abducunt, comprehendendo, obstructionem, infarctum, inflammationem & eiusmodi accidentia alia subire, experientia testatur.

Partes tales sanguinis commeatui patentes, congestionem huius copiose directam ad illas, turgidæ & repletæ ad notabilem distensionem perueniunt, inde diuersos earundem tumores tum vniuersales, tum particulares ortos nouimus; quando igitur extraordinario infarctu & stasi sanguinis partes afficiuntur, tunc rubores & inflammatorii affectus manifesto deprehenduntur.

Nec partes interiores aurium sanguini transitum

concedentes stasi & infarctu ipsius correptæ ab inflammationis periculo immunes sunt, nam morsus, pruritus & dolor immanis, qui his in partibus sese exerunt, eam satis indicant. A partibus exterioribus turgidis & inflammatis afficiuntur quoque interiores. Sic membranam tympani relaxatam suffarctu insueto partium externarum sæpius visum fuit, quo a tono suo deiecta, ut officio suo perfecte satisfacere non potuerit. Partes quoque interiores a copia humorum inflatæ cohibent & impediunt, quo minus sonus ad interiora ferri, vel saltem non ita distincte percipi possit, uti mihi observare licuit talem casum: Persona quædam laborabat erysipelate, quò vnum latus capitis & colli insigniter tumefactum & inflammatione affectum erat, ut ægre & difficulter voces alloquentium exaudiret durante hoc malo, indicio certo in causa fuisse congestionem humorum insolitam ad has partes directam, tendentem & hic stagnantem.

In inflammationibus partium dictarum notatur non raro & seorsim tumor parotidum seu glandularum pone aures.

In partibus vero, quæ serum lymphaticum vehunt, affluxus modo nimius, modo interruptus & impeditus quoque deprehenditur, qui cum diu hic durat & subsistit, suppurationem causat: humores enim stagnantes vitiosi & ad ichorescentiam proni, erosionem & ulcerationem partium efficiunt, unde manatio interdum perpetua, & viæ novæ aperiuntur.

Si nimius circa has partes in vasis seroso-lymphaticis humorum tenuiorum affluxus contingit, tinnitum & sibilum aurium frequentissime producit.

Exterioribus & interioribus aurium partibus admodum solenne est symptoma, otalgia, seu dolor aurium, qui sæpiissime ab inflammatione partium tum externarum, tum internarum, v. g. nervi auditorii, membranae

DE AFFECTIBVS AURIVM IN GENERE. II

nae tympani coaritur, qui pro diuersitate causarum & gradus admodum variat.

Meatus ad interiora auris ducentes nunc aperti teguntur, nunc tecti aperiuntur. Dextram aurem a natiuitate oclusam perhibet obseruatio 178. Anni VI. Ephem. Germ. Ductus patentes, & permeabiles alias, obstruuntur & clauduntur modo a sordibus contentis induratis, modo a tumoribus, excrescentiis fungosis & carneis, carunculis, verrucis, intus ut plurimum post vlcera & abscessuum generationem, & intempestiuam factam consolidationem, relictis, a quibus, praeter alia symptomata, difficultas & grauitas auditus, nonnunquam vero ipsa surditas natales suos duxit. Spectat huc & illud phaenomenon, quando partes ab inuicem distantes & spatium intermedium admittentes interdum coeunt & coalescunt.

Aperiuntur interdum in his partibus nouae quasi viz, uti in perruptione vasculorum lymphaticorum aliquando, ne dicam & oscillorum venosorum, quando sanguis emanat, vel tympani contingit ipsius. In moribunda foemina dysenterica ex aure auram frigidam exiisse visam praegresso sibilo annotauit D. Praeses, susceptor & praceptor aeternum deuenerandus, in Pathologia Dogmat. p. m. 544. Marcellus Donatus in historiis medicis mirabilibus fluxum aquae clarae limpidae ex aure manantem a suppressione urinae in puella 13. annorum obseruauit.

Rarissimum accidens in auribus est menstruus aurium foetor, & fluxus materiae copiosae, tenuis, acris & plane crocae ac foetidae, cuius meminit Franciscus Paulini obseru. VIII. Dec. II. Append. Ephem. Germ. Dec. II. Anni II. Mitto nouarum viarum apertionem per abscessus, vlcera, fistulam & cariem factam.

Ratione situs partes quaedam aurium e loco & sede

12. DISPUTATIO MEDICA INAUGURALIS

sua dimouentur & detorquentur, vti partium mollium v.g. musculorum externorum & internorum nonnunquam mutatio accidit: solidarum vero dimotio & dislocatio tanto rarius obseruatur, quo minus eam oculis lustrare concessum est, quando scilicet ossicula illa minora ab inuicem semouentur & e loco suo trahuntur, motus decens aufertur, indecens vero inducitur. Ossicula enim hæc ad motum membranæ tympani facere, eiusque dilatationem, constrictionem atque tremulationem pro rei indigentia efficere, colligere integrum est, quorum dislocatio non restitui potest. Nec admodum credibile est, posse situm partium auris internarum, adplicatione ad res valde sonoras & concussionem excitantes mutari.

Et hic affectus non est negligendus ratione motus debiti, si membrana tympani nimis laxa est, vt a radiis sonoris non legitimo modo intendi & remitti queat, quæ mouendi actiuitas vel ex toto vel ex parte tantummodo labefactatur, modo infringitur.

Nec ille affectus male se habentis auris oppido rarus esse solet, sensationis videlicet vitium, quo non tam manifesto organi auris vitio, quam præcipue interioribus subtilioribus nerveis filamentis læsis, tum interna causa, tum externo casu auditus imminuitur modo, modo depravatur. Sensus in partibus organi propriis v. gr. in nervi auditorii læsione nunc labascit & deficit, aliquando vero increbescit & excedit. Sic ex sensationis vitio auditus incommoda quædam patitur in tinnitu, vti hoc laborantes existimant se reuera sonos audire, velut tinnientis campanæ, stridentis & streperæ aquæ, aliosque, quos tamen domesticos habent, & aures intra seipsas formant. Et licet nonnunquam sonum vehementiorem & fortius loquentes audiant, tamen remissius & submisso loquentes non percipiunt, certo tempore vero non possunt
ob organi

DE AFFECTIBVS AVRI VM IN GENERE. 13
ob organi acutiem etiam submisſe loquentes ferre, quod
tamen rariffime euenit.

Ad has modo recensitas affectuum claſſes læſiones au-
rium non ſolum iam tactæ ſpectant, ſed etiam, quæ adhuc
ſuperſunt, facili negotio referri poſſunt.

CAPVT III.

*Euoluit cauſas præcipuas
tam remotiores quam pro-
pinquiores affectuum
aurium.*

Extractata hætenus hiſtoria partium & læſionum
aurium, proximum jam eſt ipſarum cauſas inue-
ſtigare, ſine quarum notitia & cognitione intimiori
therapia ſalutaris minime inſtitui poteſt. Con-
ſtat enim, ſublata cauſa tolli facile effectus. Aſt hic
prolixitatem omnem euitabo, & breuitate in enumeratio-
ne occasionalium cauſarum vtar.

Examinaturo iam cauſas remotiores & propin-
quiores latiffimus panditur de his differendi campus,
inter quas primas tenent externæ, ad hos affectus
excitandos læptæ & proclines, quarum ſatis multæ
recenſeri poſſent, ſed absque dubio eo tendunt, vt
partim irritando & laxando appuſſum humorum ad has
partes modo inuitent, modo augeant; partim ſtagnan-
do, pungendo & diſcontinuando texturam auris velut
dilacerent: nonnullæ ipſis aurium partibus & confor-
mationi ipſarum teneriori labem inferendi & lædendi

14 DISPUTATIO MEDICA INAUGURALIS
vim habeant, culpa omni summatim vel in spiritus, vel
in humores, vel organum ipsum redundante.

Affluxus humorum ad has partes contingit & quo-
dammodo inuitatur, quando partes porosæ, aere ambien-
te crassiori & humidiori existente, relaxantur. Valet
id maxime in iis subiectis, quæ catarrhis seu defluxio-
nibus ad caput, & ad organa hæmorrhagiæ & coryzæ ex-
cretionis dicata, exposita, vel prout patiens temperamen-
ti est sanguinei aut phlegmatici, ita frequentius tales
patitur affectus. Asuetudo quoque non parum contri-
buit, licet non immediate ad aures, sed ad caput in
genere congestio & appulsus humorum dirigatur, &
debica euacuatio per organa excretoria non succedat.

Si igitur ad has partes specialius coaceruatio susci-
pitur, hinc stagnatio sanguinis, feri & lymphæ, eo prom-
ptius contingit, cum debitum exitum non consequun-
tur. Inde catarrhalis seroso-lymphalis consistentiæ con-
gestio in partibus exsanguibus, vel inflammatoria,
rubicunda & suppuratoria communiter oriri solet in par-
tibus sanguinis comeatui peruiis.

In laudatis itaque subiectis etiam leui data occasio-
ne non solum ad caput, sed etiam ad has partes spe-
cialius promptus & copiosus affluxus humorum observa-
tur; exinde haud infrequenter difficultas & grauitas
auditus ortum suum ducunt.

Notandum vero hic, quod hi affectus eo casu sæpe
magis transitorii esse soleant, & pro corporis habitu-
dine, & concurrente aeris alteratione & mutatione, modo
grauiores & sensibiliores, modo leuiiores & vix sensibiles
euadant. Hæc est causa affectuum aurium inflammato-
riorum serosorum & suppuratoriorum, quæ cum irrita-
tione & acrimonia vel maiori vel minori coniuncta est.

Dicti hi tumores, inflammationes & dolores, auri-
bus familiaria symptomata, a congestione & stagnatione san-

sanguinis in primis & feri circa caput hærentis eueniunt, & se inuicem excipiunt diuerso modo & gradu. De doloribus aurium certum æst, quod maxima ex parte effectus sint tumoris & inflammationis, & vice versa. Pro horum igitur vehementia & leuitate, appulsu & transpulsu sanguinis & feri intenso vel remittente dolor variari solet, ex eoque æstimari etiam reliqua. Si affluxus crescit, augetur tumor, inflammatio, & alia symptomata sequuntur, patiens penetrantem & admodum molestum sensum percipit. Pro materiæ vero contentæ qualitate dolor exacerbatur, vt sensum ardoris, pulsationis, lancinationis, puncturæ & erosionis percipiant & exprimant ægri. Membrana, qua tegitur tota cavitatis interior auris, diros patitur dolores, ob sensum exquisitum, quo pollet, quippe ex filamentis nerueis constructa, ob eius distensionem, inflammationem & nonnunquam dilacerationem, saltim intentatam.

Moles partium augetur in parotidibus, colliguntur sensim in his humores peccantes ob partium modo laxitatem atque debilitatem, modo ductuum angustiam crassitatemque humoris contenti. Contingunt tales sæpius a morbis prægressis v. gr. variolis & febribus, natura materiam ibi deponente per modum criseos. Interdum vero hic affectus alios morbos & haud raro lethales inuitat, præsertim si a partibus ignobilioribus, brachiis, cruribus, materia peccans ad glandulas has per *μεταστάσιν* transmittitur, inde cerebri læsio, febris, phrenitis, dolores, vigiliæ & multa alia symptomata ortum suum agnoscunt.

Irritationem, rosionem, sensumque molestum partibus externis & internis aurium inferunt varia, acris ex salinorum genere, puluerulenta, aspera & nimis calida extrinsecus adplicata. Eundem sensum conciliant humores vitiosi stagnantes exitumque ruptione molientes, qui pro ipsorum copia & acrimonia immediate teneram

auris

16 DISPUTATIO MEDICA INAUGURALIS
auris structuram erodunt & dilacerant. Infecta ingres-
sa, vel etiam ipsorum seminia in aurem deposita vitam-
que haeta non minus insignem noxam texturæ, & grauif-
simam iam dicta symptomata afferunt; Vti a vermibus, ab
exulceratione auris dextræ, in quam muscæ, cum sub dio
æstate capite nudo rusticus dormiret, sua spermata pepe-
rere, generatis, inexplicabilem dolorem, cum texturæ
auris læsione ortum refert Autor Obseru. 57. Anni II. Dec.
II. Ephem. Germ.

Similiter structuram harum partium violant & detur-
pant abscessus, vlcera, & quæ sunt alia huius generis, in
auribus vel pone aures exorta, maxime si in glandulosa
substantia existant, quæ vitia difficulter admodum & tar-
dius consolidationem admittunt. Quamdiu enim vni-
tas eius soluta est per ductus quasi novos apertos, humidi-
tas serosa & tenuior perpetuo exire solet, maxime si aeri
libero pateant, & nisi abstersio humidi excrementitii per
debita remedia conuenienter instituatur, consolidatio nul-
la fit, adeoque affluxum effluxus interrupta serie insequi-
tur. Spectat huc abscessus prorsus insolitus, quem passus
est venator, qui prægressis summis doloribus capitis ab-
scessum aurium expertus fuit, quo multum puris & saniei
vna cum animalculis nigris quamplurimis effluxit, in
quam cauitatem auriscalpium vsque ad digiti longitudi-
nem absque dolore immittere poterat, cuius meminit Gre-
gorius Horstius Libr. IX. obseru. 8.

Ab erosione igitur & exulceratis glandulis in his parti-
bus occurrentibus sæpissime humoris affluxus, mana-
tio effluxusq; annotantur, facta *διαμνήσσει*, *ἀνασσωώσεις*, vel
διαρρέσει quoque. Hinc & caries in aurium ossibus non-
nunquam, licet admodum raro, contingit, quæ & ob-
seruatur post abscessus eiusmodi pone aures exortos. Si-
mili in casu obseruata quoque fuit fistula, referente itidem
Du Verney l.c. supra apophysi mastoideam repens, quæ in
ipsum

DE AFFECTIBVS AVRIVM IN GENERE.

ipſius ſinuofitates penetrauit. Quin & meatus ad interiora auris abeuntes ſuos patiuntur manes, dum variis modis obſtruuntur ductus peruui atque hiantes, modo ſordibus contentis induratis, & excrescentiis intus generatis, modo ab extra immiſſis variis corporibus, & ita magnum auditui detrimentum affertur. Quod prius obſtructionis genus attinet, memini me nouiſſe aliquando ſtudioſum, qui ex incuria a cerumine aures intra longum temporis ſpatium non purgauerat, cuius poſtea excrementi tanta copia accreuit, vt dolorem inde & difficilem auditum reportaret. In eam vero incidebat opinionem, quando digito tangeret ſordes illas, eſſe adhuc membranam auri obductam, (huius membranæ intra ductum auditorium formatæ & auditus grauitatem cauſantis meminit quoque Du Verney l.c.) cuius remouendi gratia Chirurgum adibat. Admouens hic inſtrumentum, deprehendit cerumen copioſum & paululum induratum, quo exempto dolor & audiendi difficultas ceſſabant. Obſtructionis hoc modo factæ mentionem iniicit quoque D. Præſes, in Pathol. Dogmat. p. m. 541.

Obſtruuntur frequenter quoque cavitates aurium a carne, callo, verrucis & ſimilibus excrescentiis, intus poſt vlcera & abſceſſus productis, a quibus pro ipſarum magnitudine ſæpiſſime auditum deprauatum & imminutum ortum multorum experientia teſtatur.

Huc referri quoque meretur meatus auditorius occluſus a tumore glandularum, quæ aliquando adeo intumeſcunt, vt eius parietes velut coeant & ſe mutuo tangent. Refert hunc caſum Du Verny, libro ſæpius a me citato, de nobili iuvene, cui vere & autumnò euenit, cum graui auditu, hæc obſtructionis ſpecies, cum glandulæ ſero ſuperfluo imbibuntur, vt aeris & ſonitus ingreſſum prohibeant.

Et intrusis variis corporibus in aurem meatu obstructo non potest non difficultas auditus & grauiora symptomata oriri; obstructione quippe hac accessus præcluditur illabenti sono, ut vel difficulter, vel plane non percipiatur. Sic calculum, fabam, pisam, filiquas, nucleos ceraforum & alia intrusa malum hoc peperisse, observationes quamplurimæ testantur. Hildanus obseru. IV. cent. I. mentionem facit puellæ decem annorum, cui globulus vitreus in cavitatem auris intrusus, a quo non solum dolores, sed etiam dira symptomata cum auditus imminutione orta fuere.

Iam tempestiue recordor similis historię, quam Halæ Saxonum accidisse retulit mihi Excell. D.D. Hoffmannus P.P. Celeberrimus, Patronus & Præceptor plurimum colendus. Infanti 2. vel 3. annorum ludenti pisis forte fortuna ab alio in ipsius aurem insinuatur pisum, elapsis abhinc aliquot mensibus intumescit auris, turgido facto pisco, a vapore exsudante, inflammatio, dolor, difficultas auditus, & alia grauiora mala superueniunt, tentatis frustra multis remediis. Sedata vero inflammatione & sternutatione forti excitata pisum foras iterum eiectum fuit. Pariter surditatem a pisco in aurem illapso ortam refert obseru. 164. Dec. II. Ann. II. Ephem. Germ.

Nervus auditorius, qui in duos notabiles ramos dispescitur, haud raro obstruitur & comprimitur quoque, quo debitus spirituum animalium influxus impeditur & cohibetur, qui debitum robur seu tonum inferre solent. Illo vero influxu intercluso non leue incommodum percipitur in auditus negotio, & ita hunc affectum non immerito ad illorum censum referre licet, qui ex obstructis aurium ductibus proficiscuntur.

Contingit obstructio & compressio huius nervi vel ab externa causa, lapillo, nucleo &c. intrusis, vel ab interna, a scirrho, verruca, carne adnata, aut sordibus induratis,

duratis, aut humoribus crassis, imo & a subsidencia, a fixitate ab acido, causa vel communi cum cerebro, vel propria & domestica.

Læditur enim auditorius nervus & ipse auditus ab intemperie cerebri, vbi illius structura male se habente surdos & surdastrorsos vel a natiuitate, vel etiam aliquo tempore post factos obseruationes affirmant. Læditur & affecto corpore & in aliis morbis non vnis.

Partium exteriorum conformatio insigniter læditur, si auris exterior tota abscinditur, vel tantum mutilatur, vnde auditum hebetiorem factum fuisse constat, quippe soni collectio & refractione sic rite haud amplius fieri potuerit.

Quæ organicam partium auris texturam proximius afficere & lædere solent, ea minus sensus fugiunt. Ex horum classe potissimum sunt causæ occasionales prægressæ, vti est e.g. admotio aurium ad res vehementem sonum edentes & fragorem excitantes, qua de causa multos surdos vel surdastrorsos tantummodo euassisse certissimum est, quippe a bombardarum & tormentorum, explosione, campanarumque sonitu, nec minus terrifico tonitru non tantum auditus organon debilitari, sed etiam insigniter lædi, tristis experientia docet. Experiuntur hanc læsionem cum maximo suo damno tormentorum explosores, & alii, qui circa res valde sonoras occupati sunt; vt etiam huc illud dictum de causa læsionum sensuum externorum optime valeat: Omne sensibile excellens lædere sensus.

Longe magis manifestæ sunt externæ illæ læsiones, quæ modocunque continuitatis solutione, vulneratione, arrosione, concussionem, compunctionem partibus aurium notabilem labem affricare & affectus recensitos inducere possunt.

Membranam tympani perforatam & ruptam passim obser-

20 DISPUTATIO MEDICA INAUGURALIS
obſervationum ſcriptores annotarunt ; ſed ex multis
unicam tantum obſervationem Thomæ Bartholini ex
Cent. IV. 29. allegabo, quæ refert difficultatem auditus
ortam a tympano auri prætenſo auriscalpio diffractō,
qui caſus adhuc hodie ſæpiſſime accidit. Nec impoſſi-
bile eſt dictam membranam ab acri & corrupto humore
in meatu auditorio latitante erodi & perrumpi poſſe.

Læſo igitur tympano auditum vacillare & labasce-
re poſſe, non improbabile eſt, imo neceſſarium conſe-
quens ; quamvis Plempius, & forte pauci quidam alii, id
negare videantur. Cauſa vero huius hæc datur, quod
tympanum non tam medium abſolutum & ſolum au-
ditus ac ſoni ſit, quam quod omnino conferat ad ſo-
num refringendum, ad dirigendas ideas, ad defenden-
dum & fouendum aerem innatum, ſeu ætherem im-
penſum, ſpiritum animale, ibidem ſtationarium vigi-
lem, ad offacula ſtabilienda, quæ membranæ huic affi-
guntur, ne ſede ſua dimoueantur, & in ſpecie malleus, cu-
ius motu percunte auditum labefactari quis negauerit.

Nonnunquam actio membranæ tympani læditur &
ex illo capite, quando iuſto humidior exiſtit, vt tono
eius valde relaxato voces ægre & confuſe percipiantur,
& ita affecti in auditus difficultatem incurrant. Tale
vitium in duabus perſonis, a laxitate tympani ortum,
correctum vero ſtrepitu & ſonitu fortiori ab extra exci-
tatis narrat Williſius cap. de auditu, ubi ait: quod illæ
perſonæ inter pulſum tympanorum & ſonitum campa-
narum ſermones alloquentium accurate percipere, & ad
eos apte reſpondere potuerint, cum extra illum caſum
nihil amplius audire potuerint. Huius rationem dedu-
cit a tympano pluſiuſto relaxato, ſoni vero vehementio-
ris impulſu ad debitam tenſionem rediſſe, quo mūnere
ſuo aliquatenus deſungi potuerit, ceſſante enim hoc
rurſus obſurduerunt,

Laxius

Laxius tympanum euadit a madore multo intus contento, vel oleositate auditum restituendi gratia immiffa, quæ auditum sæpius grauem parit.

Tenditur interdum nimium membrana tympani tempore æstatis, & post morbos acutos. Rigida nimis & exsucca quasi si fuerit, præter detrimentum auditus facile quoque contingit ruptio ipsius.

Quibus membrana tympani crassior contigit, plerique surditate fere incurabili, communi omnium consensu, laborant. Si vero interius mucus apponitur vel affluit crassior, grauis ac difficilis cooritur auditus; si elasticus, tenuis, aurium tinnitus & murmura accidunt.

Concutitur non parum caput & cerebrum auditusque noxam subit in emunctione narium vehementi, quando naribus obstructis & coryza laborantes omnem mucum vna quasi vice extrahere hoc modo moliuntur. Meminit Riedlinus lineis medicis obs. XII. Mens. Dec. anni 1697. iuuenis, coryza laborantis, qui eiusmodi forti emunctione sibi consulturus in tantam difficultatem auditus incurrit, vt non nisi alta voce loquentes vix perciperet.

Quem rei medicæ paululum peritum latet, a concussionem & vulneribus capitis sæpissime strepitum, susurrum & tinnitum aurium, nec non grauitatem auditus contingere. Felix Platerus lib. I. obseru. refert, quod quidam tinnitum aurium perceperit a casu, temporibus fortiter contra terram illisis, vt præ illo sono exteriorem impediēte nihil fere audiret.

Sonitus intra aures contingit, si manu obturatur auris, aer enim, qui in anfractibus aurium versatur, sua natura inquietus se diffundere conatur, & ætheris libertas si vllibi, sane in auribus requiritur; dum vero reprimitur etiam manu, huc atque illuc impingitur & hinc fit sonitus. Ab intruso digito per longum tempus in

aurem in infantia surdastrum quendam factum, testatur observatio 17. Dec. II. Francisci Paullini, in Appendice Ephem. Germ. Dec. II. Anni II.

Flatus violenter in aurem ab extra intrusus tum, alia mala, tum tinnitum & sibilum excitar. Frequentius vero tenues, subtiles, intus generati, & allisionem causantes tinnitum aurium pariunt, unde inter phaenomena a flatibus oriunda etiam soni hi aurium sunt praecipui.

Inter causas sese offert congestio humorum, seu bonorum, seu vitiosorum circa caput, a statu plethorico proficiens. Constat enim, quod his eodem plus iusto repleto, non solum dolor capitis, sed etiam aurium in specie se exerat, inflammationis circa has partes causa, quae interdum cum dolore summo coniuncta, & haud raro sibilum, tinnitum & pulsum intra aures producit. Fundamentum horum affectuum maxima ex parte a dicta congestione & coaceruatione humorum dependet, maiori vel minori cum impetu.

Ex reliquis aetatibus senilis his affectibus ideo praecipue obnoxia putatur, quia pauci & debiles spiritus a cerebro ad aures mittuntur. Confirmatur hoc experientia, & ab Hippocrate 3. aphor. 31. Nec iuvenes tamen, nec foeminae immunes ab his sunt, sed iisdem quoque corripiuntur. Regionibus certis familiares sunt affectus aurium nonnulli, quod itidem experientia probatur; constat enim, quod illi qui habitant circa paludes & lacus, loca item frigida & montosa, citius & ante senilem aetatem communiter difficultate auditus afficiantur.

Aerem crassum & nebulosum, regionem austrinam, tempus austrinum, fauere his affectibus asserit Hippocrates 3. aphor. 5. Aerem frigidiores, hyemali potissimum tempore, grauitatem auditus, & tinnitum aurium gignere, observationes practitorum testantur. Nec ratio deest, fri-

frigiditatem enim actiones imminuere, frigidaque nervis esse inimica, certissimum est. Vitia vero illa ab aeris constitutione & mutatione dependere argumento est, quod hyeme obsurdescentes æstiuo tempore melius habere deprehendantur. Nec æstate & in calidis regionibus dolores aurium tam frequentes sunt, sed, si eueniant tamen, grauiiores.

Cibus & potus, si in quantitate & qualitate excedente assumantur, non minus affectus hos in nonnullis subiectis producant. Comestiones & comotationes in noctem protractæ malum hoc fouent, quippe inde coctio læditur & turbatur, caput vaporibus repletur, vniuersum corpus crudis & pituitosis succis hinc abundat, quæ si vlli parti, capiti & nervoso generi noxam afferunt. Plenitudo quoque ventriculi indigestiones & cruditates facit, & ab his vapores seu halitus peregrini ad caput adscendunt, mali huius fomes.

Excreta diu retenta vel suppressa obstructiones non tantum in toto corpore, sed etiam in capite specialius pariunt, & dehinc in auribus varia concitant symptomata. Auditum ablatum a regurgitatione fluoris albi refert obs. 171. Anni VII. Dec. II. Ephem. Germ. A mensibus subsistentibus tinnitum aurium & grauitatem auditus oriri nonnunquam, obseruavit Gregorius Horstius Tom. II. lib. IV. obs. V. & quidem in annexa epist.

Non minus obseruatum fuit, ab euacuatione nimia, vel pariori, seu artificiali, seu naturali, item a purgante vehementiori propinato, vel a vena secta hæc vitia, suscitata sæpius. Sic a largiore profusione lochiorum debilitatio capitis, visus, auditus, a iusto pariori dolores capitis, tinnitus & sonitus aurium, inflationes, & erysipelatodes inflammationes circa caput succedunt, vti loquitur Excell. D. D. Stahlius P. P. Halens. Celeberrimus. Patronus & Præceptor omni cultu prosequendus, in disputatione de puerperarum affectibus p. 29. Re-

Refert Platerus lib. II. cap. V. Operum, obseruasse se difficilem auditum in muliere a partu difficili, per totum puerperium. Sic & Eph. Germ. Append. Anni VI. Dec. II. obseru. LXL. scribitur, quod fœmina quædam, notauerit semper quatuor aut quinque dies ante partum notabili molestaque se affici obauditione, quod accidens vero post partum sua sponte iterum cessauerit. Enimvero in actu illo nixus tota quasi succutitur corporis & spirituum œconomia.

Neque illud silentio inuoluendum, quod sæpius a peruersa medicamentorum adplicatione non solum tinnitus, grauitas auditus, sed etiam ipsa surditas oriatur, uti exempla talia apud obseruationum scriptores annotata legimus. Riedlinus libr. supra citato meminit ancillæ dentium dolore laborantis, quæ seu iussu, seu imprudentia bombacem oleo certo imbutam auribus intruserit, quam cum diu ibi retinuisset, rursus eximere haud potuit, hinc difficultate auditus correptæ, extracta tandem bombace & adhibitis debitis remediis liberatæ. Apud Bartholinum Cent. VI. obseru. LXXVII. obseruatio hæc extat: Pastor Cimbricus in aurium defluxionibus, consilio amici, panem calidum auri dolenti adponit, quo facto auditu priuatur. Huius vere euentus ratio additur: Sine dubio nimio calore corrugauit & exsiccauit tympanum, neruumque auditorium, concluditurque, calidis humectantia & discutientia miscere consultum esse. Vsum etiam narcoticorum stuporem neruis inferre, ac sæpius hebetare & imminuere auditum, experientia haud vacat.

Surditatem piscatoribus, & illis qui frequenter in aquam demerguntur, interdum euenire solere, propter ingressum aquæ in meatum auditorium, testatur Aristoteles, quæ vero plerumque tantum transitoria est. Sæpius vero aqua frigida in aurem illabens magnum auditui affert detrimentum, non solum a frigore læsis & affectis

affectis nervis, sed & quia aqua se insinuat in meatum auditorium intimius, vnde intemperatus redditur, nec sonus potest tubulos istos penetrare, humida enim minus sonant.

Vti vero consideratio loci & foci dogmaticos ab empiricis discernit, in praxi perutilis ac necessaria omnino: ita operæ pretium est, & in aurium affectibus visere, qui aliunde scaturiunt, & aliena sede hærent.

Sic partis mandantis vicem subit frequenter caput. Cephalalgiam diuturnam sæpius comitatur tinnitus & sibilus aurium, epilepsiæ, lethargo, phrenitidi surditas & difficultas auditus succedunt. In apoplexia non solum difficultatem auditus, sed etiam surditatem contingere nihil frequentius est. Præcedit eandem sæpius & tinnitus, eiusque species & *ὑπονοῖα* cum suis gradibus. In delirio & depravatione mentis soni varii in ductu auditorio percipiuntur.

Streptum in aure sinistra ab hemicrania sinistri lateris ortum annotavit Felix Platerus lib. II. obseru. Idem refert ex defluxione subita de nocte facta auditum in utraque aure fere periisse, cum sono aurium, capitisque grauedine. Sibilum aurium sæpius a grauedine & coryza ortum experientia testatur. Sibilum, tinnitum, murmura in auribus, & grauitatem auditus vulnera & contusiones capitis sequi, nemo est qui ignorat.

Ab vlcere, in poro auditorio pus fundente, & cauitatem eius replente, difficultatem auditus, tinnitum & pulsum in auribus oriri, non adeo insolens est. Grauitatem auditus in famula quadam ortam ab apostemate in aure rupto, & non amplius sanie exeunte, narrat Forest. lib. XII. obseru. 15.

In syncope incipiente spiritibus retrocedentibus pulsum & tinnitum aurium sentiri, itidem asserit Platerus, & contra ea his antecedentibus syncopen sequi,

Hypochondriacis, hystericis & ventriculo laborantibus, haud raro eueniunt dicti affectus. Sane in scorbuticis & hypochondriacis, partim silentibus aliis phaenomenis, partim coniunctis potissimum, non raro in auribus se exerit labes, imo in lue venerea affectis idem obtingit. Quædam ancilla diu laborauerat surditate imperfecta, varia causata, frustra adhibitis his illis. Tandem cum de latente fermento venereo suspicio oriretur, vera & genuina innotescebat causa, non minus ac remedium.

Surditatem a variolis ortam in puero X. annorum annotauit Forestus obseru. 6. lib. XII. A febribus ardentibus non modo a decubitu feri ad extimas has capitis cauernas fit solenniter auditus difficultas velut critica, si cetera puta sint paria; sed etiam constans aliis sagitta relinquitur, nisi vel dissipetur, vel alibi tollatur causa, iuxta IV. aphor. 60.

Morbi igitur hi & alii prægressi, & adhuc durantes vel comitati, affectibus hisce producendis sine dubio inferuiunt, de quibus legi meretur Hippocrates, in primis in Coacis integro capite, & in idem commentarius Dureti egregius.

CAPVT IV.

Diagnosin & Prognosin affectuum aurium indagat.

E Volutis igitur & enumeratis causis affectuum memoratorum principalioribus, recto tramite ad Signa diagnostica & prognostica explicanda progredi licet. Circumstantiis si non omnibus, tamen præcipuis,

puis, bene consideratis, diagnosis læsionum aurium, tum idiopathicarum, scilicet illorum vitiorum aurium, quæ absolute, sine totius corporis vel alius visceris læsione, eueniunt, tum consensualium, seu ab illis dependentium, eruenda.

Diagnosis auris ipsius propriorum vitiorum in sensus incurrentium non multum facessit negotii. Læsiones in partibus aurium externis, vti est tumor, qui cum ardore & rubore inflammatorio sese exerit, nec minus parotides, abscessus, ulcerationes, erosiones, suppurationes, denique fluxus saniei & mador continuo stillans, quando in his partibus contingunt, neminem latere vel decipere possunt.

Superficiales igitur hæ læsiones quo magis sunt conspicuæ, eo facilius ab internis discerni possunt, optime vero in patientibus difficultatem auditus & surditatem, si cum illis sermonem miscemus, cognoscere valemus, strepitum & sonitum intra aures ab illis explorare debemus. Difficulus cognoscitur obstructio & compressio nerui auditorii, item conformatio partium auris internarum læsa, quia hæ partes omnem oculorum aciem fugiunt; suspiciandæ vero harum læsiones, si hi affectus accidunt, nulla externa vel interna occasionali causa manifesta prægressa.

Consensuales aurium morbi exinde quoque cognoscuntur, & certo diiudicantur, si, vti alii morbi *συμπληκτικῶς* coorti remediis specificis, in idiopathico affectu certissimæ efficacix, non cedunt. Longe aliam enim considerationem postulant affectus simplices idiopathici, quam ab his dependentes. Paucis adhuc me expediam in recensendis signis diagnosticis dictorum affectuum, quæ partim ab ipsis ægris exponi & manifestari, partim a medico visus & rationis subsidio cognosci possunt.

Phlegmonem seu inflammationem in his partibus exterius

terius adesse indicat rubor, qui & bonam partem faciei aliquando occupat, vt & calor & aliqualis inflatio. Auris inflammationem internam magis prodit dolor vehemens, & continuo pulsans nonnunquam, quia oscilla arteriarum magis dilatantur, & sic ob angustiam velut compressa motum suum magis exprimunt; siue caliditas & rubor ad malas & tempora sese extendat, siue minus. Interdum cum febre, delirio, motibus conuulsivis & syncope se exerit.

Dolor aurium lancements intolerales plerumque coniunctas habet, maxime si intus manet. Idem, si a frigore praegresso ortus, fixus quidem est, sed citra gravitatem atque distensionem.

Parotides inflammatas in partibus adenosae pone aures cognoscit medicus ex tumore, dolorem vero, quem inde perferit, aeger ipsemet refert.

Obstructionem in nervo auditorio & internis ductibus factam praegressi vel praesentes morbi (absente externa causa) denotant, v.g. capitis dolor diuturnus, lethargus, apoplexia & affectus similes. Externa vero obiecta obstruentia varia, causae praegressae, & fouentes, humores & vaporosae elasticae, vel mixtae quoque eruta magis haec illustrent. Conformatio partium externarum aurium laesa mox animaduertitur, sed interiorum partium lesio sensus fugit, colligenda aliunde, maxime si generosa remedia non iuvent, si a primo ortu malum durauerit.

Auditus deprauati signa a patiente ipso exponuntur. Sonitus aurium, qui a ventriculo flatus generante ortum suum agnoscit, exferit se ut plurimum cum dolore praecordiorum, cruditatibus, nausea, inappetentia & vomitibus. Idem vero conuenienti adhibito remedio stomachico facile tollitur & euanescit. Hoc vitium auditus a ventriculo dependere inde colligitur & cognoscitur, quia ut plurimum cibo cocto & euacuato stomacho
melius

melius audiunt hoc laborantes, contra ea peius, si pleno & crudo ventriculus adhuc abundat.

De prognosi affectuum aurium in genere hoc tenendum, quod læsiones aurium & auditus grauiiores minus promptam ac facilem curationem habeant, ob ipsius situm & figuram organi; partes enim præcipuas habet absconditas, vt ægre illis remedia adplicari possint, præterea partes ipsius acri sensu gaudent, mollesque facillime lædi solent. Constat insuper experientia, quod partes auris, quæ magis ad actum audiendi concurrere assolent, noxam quandam passæ, ob tenerrimam ipsarum texturam, sponte quidem ægerrime, arte vero seu beneficio medicamentorum prorsus fere restitui nequeant, sed frequenter, his partibus si labes affricata fuerit intimior & centralis, incertæ curationis & ancipitis euentus prognosis edicenda.

Parum admodum solatii & spei in arte existit, quando neruus acusticus læsus, vel membrana tympani vulnerata, arrosa vel rupta fuerit. Relaxata vero plus iusto, vel medicamentis humidioribus & frigidioribus, vel tempestate pluuiosa & nebulosa, aut nimis tensa membrana, mutata aeris qualitate & ægri dispositione sua sponte sæpius pristinum tonum recuperare solet.

Læsiones auditus, ab obstructione meatus auditorii obortæ, pro rei intus generatæ, vel ab extra immisssæ conditione, graui symptomata haud infrequenter concitant; quo facilioris vero sunt remotionis, eo promptioris quoque curationis prognosis promittenda.

Porro quando aurium vitia desubito & velut ex improviso coorta fuerint, vel iam diutius durauerint, hinc modo neglecta, modo præpostera ipsorum curationes susceptæ fuerint, successu temporis obfirmantur & radicantur, quin, partibus inprimis tenerioribus, maius damnum inducunt, & remedia adhibita respuunt, tractatio-

30 DISPUTATIO MEDICA INAUGURALIS
nis difficilis & euentus impediti prognosin merentur, quæ
non solum de his affectibus, sed etiam aliis his similibus
valet.

Difficilem tractationem & restaurationem inueni-
unt pariter illæ læsiones aurium, quæ directe & principa-
liter aures afficiunt, præ illis, quæ ex accidenti & secun-
dario aliunde auribus noxam inferunt: illæ quippe ad cau-
sæ ablationem cedere consueuere. Vti enim accessori-
um sequitur suum principale, ita & communiter morbis
principalibus sublati minus principales sponte sua cedere
solent.

Conformationis partium auris, solidarum maxime &
propriarum, insignis læsio, propter accessum impeditum &
medico denegatum, reparationem in integrum penitus
eludit. Levis quidem noxa partium huic sensui infer-
uentium in iunioribus & vegetioribus fortassis corrigitur,
in adultis fere nunquam. Quando illæ ortæ ab usu fre-
quentiori & assiduo, nimirum adplicatione ad res valde
sonoras, & non diutius hoc malum passi fuerint patien-
tes, abstinentia, & parciori usu interdum restituuntur.
Hæc igitur aurium vitia, quæ absque reliquarum parti-
um corporis damno accidunt, & ab occasionalibus exter-
nis solum causis originem habent, dubiæ & difficilis
restaurationis prognosi ansam præbent.

Diuersæ etiam considerationis sunt affectus hi auri-
um, prout vel sibi relictæ sunt, vel superueniunt aliis mor-
bis, quorum prognosin hinc modificant, & vel diuturni-
tatem, vel finem seu salutarem, seu lethalem denunciant.
Spectant vero hæc maxime ad febres, adeoque minus
iam sunt nostri scopi, vbertim recensita hinc inde apud
diuinum Senem. Liceat saltem illud tangere, ex Hippocr.
lib. I. Prorrh. Sect. I. aph. 32. & 2. cap. V. prænot Coac.
Surditas in morbis acutis & turbulentis consequens, ma-
la est. Et 1. aph. cap. V. Auris dolor pertinax cum febre
acuta,

acuta, & alio quodam signo, aliquantum malo, iuvenes quidem intra septimum diem occidit, & citius delirio correptos, nisi multum pus effluerit ex aure &c. Si enim pus album ex aure effluerit, & alia bona signa adsint, bonus euentus sperandus. Quo remotior ergo a statu naturali est etiam aurium morbus quilibet, quo symptomata grauiora, eo respectiue vel peior est, & grauior, vel rebellis saltem, & minus mobilis ac cedens. Alii acuti sunt, vt dolores, alii chronici, vt tinnitus, eiusque species & gradus, qui pro horum modulo variant quoque.

Soluuntur nonnunquam, iuxta Hippocratem ipsum, per eruptionem puris ex aure, vel fluxum narium aliumue. Vir summus otalgia correptus, eaque atroci, vt lachrymæ etiam exprimerentur ab accensis dolorum facibus, fortissimo alias animo, leuamen sentiebat præsentaneum, cum in abscessum abiret, in fauces sensim per meatum illuc euntem eructatum. Idem & in aliis factum, notatumque non semel. Sic rubor, ardor & dolor in inflammationem, hæc in suppurationem, huius reliquæ aut aliæ ferofiores diuturniores stases in abscessus & vlcera, hæc & acrim humorum affluxus latius se diffundunt, & in erosionem transeunt & terminantur. Et tales alii sunt critici, iuuantes, cessantes, alii symptomatici & producti. Quod si vero affluxus hic, pro partium vicinarum dispositione, maior sit, si corpus cacochymicum, si pars affecta effœminata & debilitata magis, diutius durare & continuare solet effluxus, adeo vt demum in consuetudinem abeat, nisi tempestiue debitis remediis cohibeatur & sedetur.

Erysipelas in partibus aurium externis, non minus ac faciei, ab extra introrsum versum pessimum minatur euentum, in phrenitidem abire promptum ac conuulsiones. Vid. 6. aph. 25.

In genere affectus aurium in ætate incrementi, infantili,

32 DISPUTATIO MEDICA INAUGURALIS
fantili, puerili, adolescentiæ frequentiores sunt, sed facilius tolluntur; in senibus rariores, sed partim periculosiores, partim longiores & συναποθνήσκοντες, commorientes, quoque observantur. Sæpius vero post curationem difficultas auditus remanere solet.

Parotides aliæ frigidorum & chronicorum sunt ex classe, aliæ acutorum & calidorum. Frigidæ, a συναθροισμῷ lymphæ viscidæ eccentricæ distendentis oriundæ, mora egent, aliquando etiam gallicæ sunt, satis rebelles & diuturnæ, non minus ac scorbuticæ. Visæ vero etiam mirum quantum excreuisse diffusæ, in scirrhum versæ & incurabiles omnino, imo & hæcticam post se trahentes tandem. Calidæ in febribus mali moris, & mali ominis sunt ut plurimum, in febribus malignis, vel peste ipsa, peiores bubonibus. In genere aliæ possunt dissipari, aliæ suppurari, quæ sunt in bonis habendæ, factō πεπασμῷ, si materia a natura per modum criseos huc transfertur, concoquitur & suppuratur. In reliquis contrarium obtinet. Adeoque tardantes & productæ tædiosæ, maxime in principio neglectæ, acutæ periculosæ.

Abscessus si in auribus eueniunt ante signa digestionis, cum aliis malis signis, admodum periculosi sunt. Si vero digestionem peracta & per modum criseos, cum aliis bonis signis, curationem admittunt, bonam prognosin merentur. Conferantur hanc in rem aph. 17. 18. & 19. cap. V. prænot. Coac Hipp. ex edition. Joh. Opsopœi.

Ulceræ aurium, ab inflammatione vel acriori lymphæ orta, facile in fistulam degenerant, (cuius prognosis extat in aph. 14. c. XXIII. prænot. Coac.) aut hypersarcoma auditum obturans inferunt. Sanies quando affluit, fit id interdum cum leuamine, interdum vero, cessante fluxu, varia symptomata nascuntur. Si interiora occupauit, tympani membranam haud raro putredine corripit, nam glandulæ quæ saniem stillant, siccati renuunt.

Obfer-

Obferuatum quoque eft a medicis, quod vlcera in ductibus offeis excitata curationis difficillimæ fint, non folum in narium & faluæ canalium vlceribus, fed etiam in auditorio meatu, inprimis cum magnam materiæ purulentæ copiam dimittunt, & hæc materia continuo irritat glandulas ad effundendum liquorem e canalibus fuis excretoriis, cuius acrimonia impedit consolidationem. Hinc Sennert. Prax. lib. I. Part. III. Sect. III. inquit: Vlcera aurium, quæ ad os cranii pertingunt, raro aut nunquam curantur, & Hippocr. Lib. VI. Sect. 6. Epidem. ait: Propter aures & ex auribus plerumq; tertia die moriuntur.

Sibilus & ftrepitus in auribus vel fponte cedit, vel leui opera tollitur. Sibilus aurium leuiffimum quidem eft vitium, fi a grauedine ortum fuum ducit; peius, vbi ex morbis capitis eiusque longis doloribus contingit; minus curabilis, fi a magnis morbis prouenit, & multos annos iam durauit. Videas tamen etiam in feorbuticis ac hypochondriacis per plures annos fine noxa eosdem percipi, & vel neglectu curandos magis, quam religiofo ftudio.

Tinnitus aurium ex frequenti percuffione capitis ortus non facile folet curari, & vertitur vt plurimum in furditatem. Tinnitus & fonitus aurium antiqui curatu difficiles & periculofi funt. Sibilum & tinnitum aurium præludium furditatis effe, effatum eft vulgi, & experientia maxime conforme. Si aurium fonitus cum dolore capitis & fortibus percuffionibus in temporibus contingit, minatur inter alia etiam furditatem, quia aliunde humores præ nimio illic dolore abunde defluunt ad auditus organon.

Surditas natiua & grauitas auditus ab ortu incurabiles. Recenti vero & furditati & grauitati auditus facilius reftitutio promittenda.

Surditatem, quæ per biennium & vltra infeftat, præfidia medica refpuere, propter partis debilitatem, & quia af-


34 DISPUTATIO MEDICA INAUGURALIS
fectus iam in habitum transiit, Solenander in Consil. Med.
Forest. in obseru. & alii contendunt. Seu in genere, quo
longius durauit, eo difficilius est curatu.

Surditati a læsione continuitatis, a casu, ictu, con-
tusione partium propriarum organi auditus ortæ, mederi
non licet. Surditas per se independens est curatu diffi-
cilis, contra consensualis communiter curato morbo
principali euanescit: ast in morbis acutis & longis, v.g.
in ileo, lethalem edicit Hippocrates.

Vltimum addo, si vitia hæc aurium remediis proba-
tis non corriguntur & emendantur, minus vero tollun-
tur, sed e contra successu temporis exacerbantur, & mul-
ta alia incommoda post se trahunt, prognosin sinistram
inferunt.

CAPVT V.

Tradit Therapiam affectuum aurium in genere.

Vandocunque igitur horum affectuum vno vel
altero correpti opem Medici implorant, probe
ille pensitare debet circumstantias, læsiones vel
vt iam inductas, vel adhuc inducendas, harumque cau-
sas antecedentes & occasionales præcipuas nosse, ex qua
notitia hæc principalis indicatio resultat, num illarum
læsionum tractatio præseruatiue, an curatiue instituenda
& suscipienda.

Ex causis primaria absque dubio est congestio &
coaceruatio humorum, non solum in toto corpore, sed
etiam in his partibus varios effectus excitans, præserua-
tiue tractanda, scilicet diuertendo & intercipiendo vlti-
riorem affluxum, vel, pro rei exigentia, imminuendo per
conuenientia remedia.

Va,

DE AFFECTIBVS AVRIVM IN GENERE. 35

Valet etiam hic, quod in aliis corporis morbis obseruandum, vt antecedentium & materialium causarum, subtractionem, si res postulat, debita quantitate, iusto ordine & tempore, loco apto, & conuenienti præscripto auxilio instituere & iniungere peritus medicus sciat.

Sed ad curam præseruatue rite instituendam, quæ affluxum humorum extraordinarium inhibet, me iam conuertam, vbi sciendum, quod hic vel immediate ad has partes, vel solum ad caput multis de causis citari & ex vniuerso latifundio huc regurgitare possit. In vtroque casu vniuersalia præmittenda, indicat enim collectio & redundantia humorum modo plethoram, modo cacochymiam, cui occurrendum vel imminutione vel correctione ipsius.

Hinc V. S., scarificatio, hirudines, cucurbitulæ, vesicatoria, setaceum, purgatio & laxatio alui, pro sanguinis, feri & lymphæ abundantia, locum inueniunt, imo pediluua & fonticuli, si malum inueteratum, mira in his affectibus nonnunquam præstiterunt. Sic mulierem tinnitu aurium laborantem cucurbitularum, scarificationis & balneorum vsu, tempore autumnali instituto, fuisse restitutam, testatur Platerus lib. II. cap. II. Praxeos. Scarificatio suscipitur circa venas iugulares in collo, cucurbitulæ etiam hic & in scapulis adplicantur. Hirudines collo adplicantur, vel pone & subter aures potius, sanguinem ad proximas partes deriuandi gratia. Surditatem in iuvene V. S. sublatam refert obseru. 101. Dec. 1. An. I. Ephem. Germ. Auditum gauem, a pituita meatus obsidente ortum, purgantibus curatum asserit Achilles Gasserus in obseru. med. LXI.

Taceo cucuphas, frictiones capitis, suffitus, emunctoria, masticatoria, sternutatoria &c. in his affectibus non contemnendæ efficaciz. Per nares enim & os excrementa cerebri euocantur eoque alliciuntur, vnde magna sæpe reuulsio & quædam interdum expurgatio contingunt; nam per masticatoria excernuntur serosa cerebri ex-

36 DISPUTATIO MEDICA INAUGURALIS
crementa, & reuelluntur, ne adeo ad aures fluant. Er-
rhina interdum id præstant, & valida per nasi emuncti-
onem aeris excussio. Longe præsentius id præstant ster-
nutatoria, quæ sæpe ab auribus flatum & humorem per
eandem viam, scilicet nares, educunt, nec minus corpo-
ra in aurem illapsa illorum ope foras eiiciuntur.

Sacculi cephalici & suffitus in his affectibus non
sunt de nihilo. Hi enim in aures immissi plurimum iuuant,
quippe interiora subeunt, v. g. ex croco, myrrha, stora-
ce, benzoe, lign. aloes, thure &c. illi vero caput roborant.

Enimuero hæc vniuersalia, vti communiter vocari
solent, respectu habito simul dispositionis & virium pa-
tientis, morbi impetus, & remediorum efficaciam, adhi-
bita, euacuatione generali e toto corpore abundantem
humorum copiam educunt, massam vniuersam corrigunt,
motus propter dyscrasiam susceptos & imminuunt & cor-
rigunt, stagnationes speciales dissoluunt, & quandoque
præoccupant.

Affectus hi haud raro ab intermissa euacuatione seu
naturali seu artificiali oriuntur, maxime si patiens ipsi per
aliquot annos adsuetus fuerit, vbi consuetudo peculia-
rem indicationem præbet. Sic V. S. scarificatio, vesica-
toria &c. sæpius hæc mala auertunt & tollunt (præserua-
tionis & curationis scopo adhibita,) dum motus hæmor-
rhagici ad caput tendentes, vel sanguineo-lymphales con-
gestionibus circa caput pertinaces ablegantur, quo exitum
debitum consequantur. Talia ergo vitia, ab euacuatione
solenni cohibita & suppressa exorta, dictis auxiliis op-
pugnare certo tempore & loco non solum vtile, sed pror-
sus necessarium. Tanta vis inest consuetudini, vt si eua-
cuationes consuetæ intermittantur vel negligantur, sen-
sim non solum affluxus ad caput, sed & ad has partes
contingat, affectusque hi denuo obrepere soleant, repe-
titis vero illis in momento quasi euanescent.

Hactenus prolata dicta sunt de cura præseruatiue
instituenta, & remediorum vniuersaliorum legitimo vsu,
quan-

quantum adiumenti præstent in hisce & aliis morbis, si non penitus tollendis, minimum tamen corrigendis. Felix sane ille medicus est reputandus, qui nouit verum vsum vniuersaliorum, in horum enim adplicatione maximum praxeos momentum situm est, sed non promiscue dicta vniuersalia & semper sunt præmittenda, nisi causæ materiales, tanquam formes horum vitiorum, sint remouendæ & subtrahendæ.

Considerandum porro in dictorum affectuum curatione, quænam præsidia singulis conueniant, & ex quibus fontibus ea sint petenda, alii enim tantum operam chirurgi exposcunt, alii cum manuali opera pharmaceuticis internis opus habent, alii ex triplici fonte, chirurgico, pharmaceutico & diætetico, auxilia exigunt.

Quando igitur affectuum aurium materiales & occasionales causæ, urgente sic necessitate, per legitimum vniuersaliorum vsum sublatae fuerint, fatendum quidem primario scopo esse satisfactum; attamen cum hi affectus illorum remedium vsum non penitus tollantur, sed adhuc alias medicationes postulent, insuper nonnulli his plane non indigeant, ideo peculiaribus eorum indicationibus curatiue obuiam eundum per conuenientia subsidia. Conabor iam eorum generales indicationes paucis regulis includere & singulis debita remedia indicare.

I. Congestiones, collectiones, & restagnationes in ipsis aurium partibus & vicinis, quæ tumores, inflammationes simplices & erysipelaceas pariunt, (quibus & parotides accensentur,) resoluendæ & discutiendæ. Resoluentibus & discutientibus, emollientia, maturantia & suppuratoria succedunt. Vitanda vero adstringentia & repellentia.

Conueniunt hinc interne Ra bez Wedel. Michael. ess. myrrh. & quæcunque lenem diaphoresin excitant. Externe laudatur sacculus ex herbis neruinis & discutientibus impositus, v. g. herb. cham. malu. C. B. centaur. min. fol. malu. fl. salu. samb. melilot. anth. bacc. laur, & 4. sem. carminat. quod remedium tutissimum. Inflammatio si valde vehemens

est, eaque externa, ad illam mitigandam profunt refrigerantia sic dicta, ex spermate ranarum & saturninis, qualis est pulvis erysipelarodes Myns. Ludou. & consimiles cum fl. sambuc. sem. lycop. sperniol. Cr. & aliis.

Parotides, tumoris & inflammationis species, eadem methodo tractandæ. Resoluendi fine adhibetur facculus ex neruinis & odoratis, vti sunt fl. cham. melil. serpill. sem. fœn. græci, gummata temperata, ammon. bdell. &c. Discutit vehementer mel cum rad. iridis, aut galbanum cum oleo laurino. Emollitio & maturatio post hæc tentanda empl. de meliloto. Cataplasma vulgatissimum emolliens fit ex mica panis albi, cum vitell. ouorum & pauxillo croci, coquendo cum lacte.

Profunt quoque huic scopo mucilaginosæ & pinguiæ, vt empl. de mucilag. axung. neruina empl. diachyl. simpl. & cum gummatis, præcipue si inflammationis gradus minor fuerit. Omnino enim ratio hic habenda inflammationis, vbi & vi camphoratus illitus non contemnendus est. Commendatur quoque linimentum ex oleis temperatis, v.g. o. amygd. dulc. cham. lilior. melil. quæ inflammationem discutiunt.

Vti vero repellentia improporcionata facile noxam inferre norunt; ita nec pinguibus vnctuosis & oleosis in inflammationibus hisce, vbi discussio sperari potest, locus est commodus, quandoquidem poris obstructis transpiratum remorantur, & ex hospite facile incolam reddunt.

II. Tumores tales particulares maturi & aperti vel arte vel sponte sua, in abscessus & vlcera abeuntes, mundantibus, detergentibus & consolidantibus debitis tractandi.

Ruptionis promotionem præstant fermentatiua efficacia prædita, in specie mel, triticum masticatum, fermentum pistorium, farina melli mixta. Tacemus theriacam ipsam, polychrestam etiam externa applicatione, per se, & cum ficibus, & similibus. Maturitas abscessus cognoscitur ex mollitie insigni tumoris, qua facile & apertio fieri potest, si sponte non succedat.

Pus promouent o. amygd. amar. cum mucilagine sem. lini, quod puris affluxum egregie ciet. Abstergunt & detergent probe succus absinthii, apii, cent. min. digestium ex

vitello oni, melle & pauca terebinth. vniuersam abstersionem peragit, & interdum sponte restauratio sequitur. Conducit & immissio guttulæ vnius vel alterius de essent. balsam. myrrh. croc. & succini in foraminulum, quæ non solum mundat, sed etiam corruptionem impedit.

Abscessu aurium perrupto, & sanie effluente, purgandum vlcus melle rosato instillato. Abstersum sic vlcus consolidant balsamica & carnem generantia, ex quibus pompholyx, aloe & myrrha præcipua sunt.

III. Dolores & irritationes spasmodicæ, in exterioribus aurium partibus ortæ, mitigandæ & sopiendæ neruinis, paregoricis, atque anodynis.

Mitigant sacculi paregorici calide admouendi, ex rad. galang. fl. cham. & herb. verben. melil. sem. papau. bacc. laur. Θ commun. &c. Præstant sicca præ humidis, non tamen hæc prorsus sunt reiicienda, quippe infusum lactis, album. oui, cum oleo rosarum vel \oslash amygd. & alia olea paregorica, v. g. \oslash sem. anis. hyos. papau. rh. insigniter dolores leniunt.

Commendatur a nonnullis axungia gallinæ inuncta. Consopitur etiam mirifice dolor aurium ab vnguento alabastrino & dialth. Nec interna, quæ causam respiciunt, sunt omittenda.

IV. Ductus & meatus obstructi referandi, ab extra immissa corpora, vel illapsa animalia eximenda, intus vero generatæ excrescentiæ fungosæ, & his similes, emollientibus, ligaturis, sectione, raro septicis & causticis auferendæ.

Quæ hætenus dixi, ad affectus aurium superficiales pertinebant, nunc illi, qui interiores aurium partes occupant, sunt considerandi. Obstructio si a causis internis, humoribus crassis, pituitosis &c. contingit, attenuantibus & aluum laxantibus tollenda est.

Quando vero aliquid extrinsecus in aurem illapsum fuerit, (quemadmodum id sæpius obseruatum fuit,) & auditum imminuit, indicatio primaria absque dubio hæc erit, molestum esse eximendum. Corpora dura, vt lapides, nuclei & reliqua, non solum quia ductus obstruunt, sed quia simul

ob asperitatem lædunt, sunt eximenda. - Nec minus illa corpora, quæ humore vel vapore irrorantur, & illum imbibunt, quamprimum auferenda, quia turgescunt & maiora fiunt, ut hinc difficulter extrahi queant.

Auferuntur vero corpora illa dura triplici modo (1.) Eluendo, scilicet liquore lubricante, v. g. \circ amygd. dulc. vel amar. butyro, lacte, ut relaxentur meatus, & instrumento apto eo promptius eximantur. (2.) Excutiendo, per sternutationem, seu natura, seu arte excitatam. (3.) Extrahendo, instrumento conuenienti. Cauendum vero, ne illud contentum plus introrsum propellamus, ut postea maiori labore indigeat. Sordes auriscalpio & corpora dura hamo, forcipe vel vncello obtuso & paululum incuruato, vel alio ad id adaptato instrumento eximuntur.

Animalia illapfa, vel intus generata, aliter tractanda. Inuitantur hæc ad exitum & alliciuntur foras dulcibus, si vero firmitus inhæreant, necanda sunt. Huic scopo satisfaciunt amara, ut succus absinth. centaur. min. fella, aloë. Acria idem præstant, ut succus pini, Etum cum scammonio, item salua ob visciditatem, vrina ob acrimoniam laudantur, & hinc extrahuntur instrumento. Nonnunquam & specillum lana inuolutum, & oleo vel alio liquore viscoso imbutum, in aurem immittitur, ut adhærescant animalia & foras vna educantur.

Excrecentiæ & protuberantiæ fungosæ in auribus enata tractantur ab autoribus emollientibus amaris, ex quorum classe sunt \circ amygd. amar. nucl. persic. medull. colocynth. aut succus cucum. asin. Ligatura & excisio scalpello interdum sufficiunt.

Huc spectat inflammatio glandularum in meatu auditorio latentium, quarum etiam intumescencia si obstructionem efficit, prosunt itidem \circ amygd. dulc. instillatum, quod egregie demulcet, decoctum hordei & agrimonix, quod detergit & exsiccat, nec non pristinae magnitudini restituit, ex commendatione *Du Verny l. c. cap. 3.* ubi plura, quæ huius curationem absoluunt, videri queunt. Mem.

Membrana, quæ ductui auditorio aliquando obduci solet, remouetur instrumento apto. Caustica & septica præsidia minus tuto adhibentur, quia organo adeo sensibili facile noxam afferre solent.

V. Viæ & ductus p.n. aperti, quantumcunque fieri potest, claudendi, vel saltem in eo statu conseruandi, ne ampliores fiant per auxilia conuenientia.

Pertinent huc abscessus, & vlcera laudata. In aurium ossibus cariei ortæ, ex obseruatione Du Verny, curationem hic adscribere, non inutile iudico. Adhibuit vero linimentum ex ∇ imperiali, in qua camphoræ momentum dissolutum erat; hinc vsus puluere euphorbii, ex quo optatum euentum persensit: impediabatur enim hoc modo excrescentia carnis. Præterea euphorbii Ram \forall i extractam, additis myrrha & aloe, in vsum vocauit, quæ vel sola hunc affectum sustulerunt. Si locus sit fistulatus, iniiciatur in aurem fel tauri & vrina pueri, ceterum tractanda hæc fistula vti reliquæ.

VI. Caput, ventriculum, hypochondria, in foeminis vterum, & morbos præsentis respicere debemus in curatione affectuum aurium, quippe sæpissime fomes & fundamentum vitiorum auditus in his latent.

Frequenter vitia hæc symptomata morborum reliquorum sunt, quæ peculiarem medicationem non exigunt, partibus enim laborantibus & morbis prægressis occurrendum, remedia vero, quæ hic locum inueniunt, sub suis oculis & in practicum libris extant, exinde huc referenda. Sufficiat vero in genere indicare aperientia, attenuantia, cephalica, carminatiua, hypochondriaca, antiscorbutica, stomachica, vterina, roborantia, & quæ causis morbificis obuiam eunt, hic maxime esse proficua. Quod si a lue venerea traxerint originem aurium affectus, & illi seorsim succurrendum.

VII. Auditus deprauationi, imminutioni nec non abolitioni quantocyus & quibuscunque auxiliis & subsidiis tum internis laudatis, tum externis obuiam eundum.

Imminutionem auditus leuant & emendant externa ad-
minicula. Sic legimus Hadrianum Imperatorem sermones

alloquentium non recte percepisse, nisi manum cauam obtenderet auri, qua sonus quasi augeretur.

Huc spectat illa historia, quam refert Ianus Nicius Erythræus Pinacoth. part. 1. imag. 73. p. 133. de Ioh. Baptista Lulio Nursino, Icto & Poeta, quod cum cœperit ab anno ætatis suæ 40. audiendi facultate carere, necesse habuerit parua tuba, ex argento facta, auribus admota, loquentium voces excipere. Simile instrumentum ad acutius audiendum fabricant Hispani ex argento vel cupro, & Sarbatana vocant, idque in defectu auditus secum gerunt, vt myopes ocularia. Hœfferus Tom. I. Hercul. Med. L. 1. c. 9. p. 55. tale se vidisse apud Hispanam mulierem testatur, atque dicit fuisse instar infundibuli, cuius amplior pars obiciatur secum loquentibus, angustior autem auribus propriis adplicetur.

Noui amicum grauitate auditus laborantem, qui instrumentum acusticum ex cupro sibi parari curauit, quod paululum concauum totam aurem tegit, in antica parte aperturam habet, per quam sonus transit, hicque colligitur ante ingressum in meatum auditorium, gerit hoc absque incommodo sub capillitio, indeq; leuamen in audiendo se percepisse asserit.

Ex fonte pharmaceutico laudantur inprimis ∇ apopl. acoust. Mindereri, ess. ad audit. Mich. castor. ∇ i otalg. Mynsambra vel moschus auri impositus, fel animalium, & ex his parata.

Olea auribus tutius quam oculis adplicantur, ex quibus præstant ϕ amygd. amar. nardi & per destillationem elicita, olea enim sunt efficacissima præ omnibus aliis medicamentis, ex calidis odoratis plantis & seminibus, vt rosmar. salu. rut. sem. caru. fœnic. bacc. laur. fl. spic. vel etiam aromaticis aliis veris, quæ tamen raro per se, sed mixta & didita aliis liquoribus vt plurimum adhibentur, ne acrimonia sua lædant.

Tempus & charta ferme deficerent, si omnia præsidia acustica, tam simplicia, quam composita, quibus Practicorum libri repleti & referti sunt, recensere vellem. Multa remedia & formulas ad dolorem, tinnitum aurium, & grauitatem auditus congeffit Gregorius Horstius in Append. Tom. III. lib. II. c. IV. cœnenda valetudine p. 204.

Axungia anguillæ cum ipsius felle efficaciaz insignis in auditus difficultate meminit Franciscus Paullini in Append. Anni II. Dec. II. Ephem. Germ. Villica, inquit, difficilem auditum sola pinguedine anguillæ cum felle eius remixta, & gossypio parti affectæ adplicata, intra triduum in puella Northusana emendauit, vt promptius & acutius hinc audiret.

In surditate commendatur admodum vrina leporina, seu scorim, seu cum \mathcal{V} i, auribus calide instillata, cuius frequentior vsus multis opitulatus fuerit, de qua obseruationem notabilem refert Tulpius lib. IV. cap. 6.

Fatendum vero, quod specifica remedia in affectibus aurium perrara sint, &, quæ pro talibus venditantur, sæpissime fallant & spe sua excidere faciant medicos & patientes, quod sine dubio inde venit, quia talia, in certis saltem casibus proficua, pro vniuersalibus accipiunt, & autores reticent modum adhibendi, tempus quo adhibenda, locum cui adplicanda, & ordinem cui insistendum, hinc illi præposteri effectus!

Addendum & hoc, cum auris organon valde sensibile sit, cauenda esse medicamenta acria, nimis calida & frigida, superuacua, intempestiua & ancipitis efficaciaz, quoniam horum adplicatio sæpius effectum contrarium edit, auresque modo molestat, modo insigniter lædit. Tutius quoque & consultius, vt in aliis morbis, remedia frequentiora & sæpius mutata omittuntur, quippe obseruatione peritorum medicorum constat, melius sese habere aures, modo occasionales causæ vitentur, & corporis constitutio salua, in eoque statu diutius permanere, cum contra, continuo & impertinenti medicamentorum vsu, tantum abest, vt in melius, vt potius in peius affectus aurium vertantur non raro.

Restant pauca, quæ vsum rerum nonnaturalium siue dietam concernunt, quam affectibus aurium correpti, vel ad illos proni, obseruare debent, vbi præcipua tantum ex iuuantibus & nocentibus breuibus indicabo.

Aerem frigidum & humidum, quia non solum causa horum vitiorum existit, sed etiam nonnunquam ea auget, fugiat æger. Huc spectat & regio nimis frigida, frigida enim cerebrum & instrumentum auditus lædere experientia constat. Aer sit calidus & siccus; idem

74 DISPUTATIO MEDICA INAUGURALIS DE AFFECT. AURI IN GEN.
idem tenendum de regione. Austro, nebulae & tempestates nebulosae sonos obtundunt & retardant, & hinc auditum hebetant, quantum possibile vitandae. Australes ventos visui & auditui nocere, contra ea aquilonares prodesse ait Hipp. Partibus aurium etiam exterioribus affectis vel laxis, frigoris, caloris & venti frigidi vehementem appulsus infensum esse, multiplici experientia constat.

Porro in his affectibus cibi omnes, qui cruditates & crassos succos gignunt, & hinc vapores ad caput mittere solent, in primis allium & caepae, vitandi. Abstinencia ideo ab oleribus & leguminibus, quia vapores multos generant, suadenda. Vitetur varietas ciborum inaequalis, ut & salsa & nimis aromatizata.

Tenuis & εὐχυλοι cibi, & qui facile concoquuntur, praestant. Verbo tenuis & humectans victus conuenit, in primis si vitium in ventriculo haeret, addendum anisum, foeniculum & coriandrum.

Potus vini meracioris, crassi aut generosi, fugiendus, cauendae crapulae, quibus vapores ad caput & aures mittuntur: suspecta esse debent quaecunque caput turbant, sobrietas vero maximopere commendanda.

Exercitationes matutino tempore institutae, capite in primis euacuato, utiles, a cibo vero nimiae noxae sunt. Omnes animi cura ablegandae.

Fugiendus est nimius somnus, maxime diurnus, & vespertinus statim a cena. Vigiliae quoque & lucubrationes intempestivae, quae coctionem turbant, & cruditates pariunt, multum nocent. Seruanda aluus aperta. Sin a repletionem vitia auditus oriantur, & aluus ficcior paulo, emollienda & euacuanda. Venus valde inimica auribus, hinc sola nonnunquam solet excitare sonitus aurium.

In illis rebus, quae sensum auditus ferunt, cauendum, ne usu ipsarum inconuenienti, constitutionem aurium & auditus plus iusto fatigemus & oneremus, nimirum intempestiua adplicatione ad res valde sonoras, quies potius concedenda, per moderatum & decentem usum. Vitimo vitentur, quae quocunque modo externis iniuriis ansam hisce affectibus praebere solent. Et haec pro scopo nostro hac vice sufficiant.

SOLI DEO GLORIA.